

## SCRIPT OF MORNING GOJRI NEWS BULLETIN 19MAY 2025

1015HRS

مارننگ گو جری نیوز بلیٹن مو رخہ 19 مئی 2025

\*\*\*\*\*

یوہ آکا شوانی جموں ہے محمد آسف تیں خبر سُنو۔

\*\*\*\*\*

### ARMY CEASE FIRE

بھارت تے پاکستان بشکار فائر بندی بارے جاتے روز آخری تاریخ غی خبراں نانہ بھارتی فوج نے خارج کردتو ہے اس معاملہ بارے وضاحت کرتا واں بھارتی فوج نے کہیو ہے جے 18 مئی ناں ڈی جی ایم او سطح غی کلاے وی میٹنگ مقرر نہیں کی گئی تھی۔ فوج غو کہنو ہے جے 12 مئی ناں ڈی جی ایم او سطح غی گل بات ہوئی تھی جس دوران دوکے ملک اک دوجا ور گولی باری نانہ کرن ور رضا مند ہو گیا تھا جس غی کلاے وی آخری تاریخ نہیں ہے۔

\*\*\*\*\*

### UNEXPLODED SHELLS POONCH

بھارتی فوج نے جاتے روز ضلع پونچھ غا سرحدی گرایاں وچوں کوکے 42 گولاں ناں برآمد کر غے ناکارہ بنا دتو ہے واضع رہ جے جموں کشمیر پولیس نے فوج تے سانجی کاروائی غے دوران چلاس سلوتری دفتر ای تے سلانی علاقوں وچوں یہ گولہ برآمد کیا ہیں اس سلسلہ ماتہ اک دفعی ترجمان نے دسیو ہے جے گولہ بارود ناں ناکام بنان آلی ٹیم نے دفاعہ خیز مواد ناں ناکارہ بنا غے انسانی جان بچائی ہیں۔

\*\*\*\*\*

### SHOPIAN TERROR ASSOCIATES

وادی کشمیر غا شوپیاں ضلع ماتہ فوج غی 34 راشٹری بریفل سی آر پر ایف غی 178 ویں بٹالین تے جموں کشمیر پولیس غا خصوصی اوپریشن گروپ نے سانجی کاروائی غے دوران ضلع غا ڈی کے پورا علاقہ وچوں دہشت گرداں نال جڑیا دو افراد ناں گرفتار کیو ہے حراست ماتہ لیا گیا افراد غا قبضہ تیں 2 پستول تے 4 ہتھ گولاں تیں علاوہ متی مقدار ماتہ گولی سکو برآمد کیو گیو ہے اس سلسلہ ماتہ شوپیاں پولیس نے جانکاری دیتا واں دسیو ہے جے ایف ای آر درج کر غے مزید تحقیقات کی جارہی ہے۔

\*\*\*\*\*

### LET TERRORIST

سن 2 ہزار 6 ماتہ آر ایس ایس غاصد دفتر ور حملو کرن آلا لشکر طیبہ تنظیم نال وابستہ دہشتگرد رضا اللہ نظامنی خالد عرف ابو حق اللہ خالد ناں ہے پشان بندوق برداراں نے پاکستان غا صوبہ ماتہ گولی مار غے ہلاک کردتو ہے اس سلسلہ ماتہ نوی دہلی ماتہ تحقات سرکاری عہدے داراں نے جانکاری دتی ہے جے خالد بھارت ماتہ سن 2 ہزار 5 ماتہ بنگلورو حملہ تے 2008 ماتہ رامپور ماتہ سی آر پی ایف کیمپ مور حملو کران ماتہ ملوث تھو جس دوران 7 سی آر پی ایف جوان شہید ہو گیا تھا۔

\*\*\*\*\*

## SATISH JAMMU TOUR

خوراک سیول سپلائیز تے امور صارفین غا وزیر ستیش شرما نے کلکتہ بٹل کھارا ٹھکر تے جوگوان علاقہ گودورو لاغے سرحد غے نیڑے توں اُجڑیا وا لوکاں نانہہ نوے سر آباد کرن باوے کم کاج غو جٹا یزو لیو اس موقع ور اُن نے سرحد غا بسنیک لوکاں نال گل بات کرتا واں کہیو جے حکومت غی طرفوں اُن غی ہر ممکن مدد کی جے گی دورہ غیدوران جناب شرما نے متعلقہ افسراں ناں ہدایت کی ایض جے سرحد وروں اُجڑیا لوکاں ناں نوے سر بسان غی خاطر تمام لوڑتی سہولیات دستیاب کرلی جیں۔

\*\*\*\*\*

## DIV COM MENDHAR

جموں گا صوبائی کمشنر رمیش کمار نے جاتے تہاڑے ضلع پونچھ غی سب ڈویژن مینٹر غو دورو لاغے حالیہ تہاڑیاں بنا پار تیں بولی گولہ باری غے دوران پوا نقصان غو نیڑے تیں جٹا یزو لیو ہے دورہ غے دوران پونچھ غا ضلع ترقیاتی کمشنر وکاس کُنڈل سمیت انتظامیہ غا دوجا اعلیٰ عہدے دار وی اُت موجود تھا کمشنر موصوف نے نم دہ نال عہدہ داری غو اظہار کرتا واں متعلقہ عہدے داراں ناں ہدایت کی ایں جے نقصان غو تعاولاں توں تعاولاں پتو لاغے معاوضہ ادا کیو جے اس موقع ور صوبائی کمشنر نے افسراں نانہہ ہدایت کی جے تن دہی نال کم کر علاقہ مانہہ امن بھال کیو جے تاں جے عام لوکاں ناں پریشان نہ ہونو پے۔

\*\*\*\*\*

## DC RAJOURI

راجوری غا ضلع ترقیاتی کمشنر ابھیشیکہ شرما نے جاتے تہاڑے سرحد غا لام لڑوکا تے کلہ دربال گرایاں غو دورو لاغے اُت حالیہ تہاڑیاں بنا پار تیں کی گئی گولہ باری تیں متاثرہ لوکاں نال ملاقات کی تے نقصان غو جٹا یزو لیا اس موقع ور اُن نے لوکاں نانہہ یقین دوايو ہے جے ضلع انتظامیہ اُن غی مدد واسطے اُن غے نال بروبر کھلی ہے۔ ڈی سی موصوف نے حفاظتی دستاں گا آپسی تعاون غی ضرورت ور زور دتو ہے تاں جے سرحد غے نیڑے بسیا واں لوکاں غی حفاظت ناں یقینی بنایو جاسکے۔

\*\*\*\*\*